



IOannes ille patria Mosellanus in uilla Trittenheim Treuerensis diocœsis anno millesimo quadringentesimo sexagesimo natus est. Is in iuuetute sua amore literarum hinc inde ad Academias profectus, magnam eruditionem nactus est. fuit enim Philosophus, Mathematicus, Poëta Historicus, & Theologus insignis. præterea multis animi & corporis uirtutibus præditus. Ut autem is commodius bonis authoribus inuigilare atq; studijs operam dare posset, anno ætatis uicesimo secundo, Benedictinũ ordinem assumpsit. ubi cum literis de ditus modestè uiueret, altero statim conuersionis anno Abbas monasterij S. Martini in Spånheim Moguntinensis diocœsis electus fuit. quam functionem magna dexteritate administrauit. Scripsit is plurimos libros, quibus posteritati suam diligentiam & doctrinã cõmendauit, utpote (sicuti ipsemet de se testat̃) statuta sui ordinis de uisitatione monachorũ, de tentationibus, de miseria huius uitæ, cum multis alijs. Postea uerò egregium opus de scriptoribus Ecclesiasticis incoepit, & septimo anno absoluit, in eo S. Hieronymum, Gennadium, Honorium, & Sigebertum imitatus. Habuit autem plura certamina cum monachis, & cõqueritur quod non tam Christus quam Aristoteles in suggestu prædicetur. Admonet etiam non Philosophiã & fabulas, sed legem & Euangelium in Ecclesia Dei proponendum. Cum autem & ipse Astrologiæ & artibus abstrusioribus nimiam operam impenderet, id à quibusdam ei uitio datum fuit. Clauit sub Alexandro sexto pontifice, & Maximiliano Cæsare, anno millesimo quadringentesimo nonagesimo nono. Trithem. de seipso. M. Illyr. in catal. test. uerit.